

Anyang ita 2015 Census of Population



Ti 2015 Sensus ti Populasyon (POPCEN 2015) nga isu ti kumpleto a panagilista iti amin a sangakabbalayan ti pagilian, ket na disenio daytoy a mangimbentaryo iti populasyon ti entero a Pilipinas. Makolekta pay dagiti impormasyon maipanggep ti adu a pakaidumaan ti populasyon kas kuma ti edad, sex, marital status ken kangatuan a nalpas nga adal. Daytoy ti maika-sangapulog ket uppat a sensus ti populasyon a maaramid iti pagilian manipud immuna a sensus idi 1903. Daytoy met ti maikatlo a sensus ti populasyon a maaramid iti nagbaetan ti dua nga panag sensus iti kada sag-sangapulog nga tawen. Sakbay daytoy nga POPCEN 2015, naaramid iti *mid-decade censuses* idi 1995 ken 2007.

Ania ti kangrunaan a rason iti pannaakaaramid ti POPCEN 2015?

Ti POPCEN 2015 ipaayna dagiti datos ti populasyon a kasapulan dagiti panguloen ti gobyerno, ken dagiti agar-aramid ti plano, alagaden ken desision. Kangrunaan nga ipaayna pay ti agdama a bilang ti populasyon ti amin a barangay ti pagilian a pagibasaran da kadagiti nasaysayaat pay a plano, alagaden ken programa a pang *social* ken ekonomya.

Ania dagiti legal a pagbasaran iti pannaakaangay ti POPCEN 2015?

Ti pannaakabalin ken mandato ti PSA a mangangay iti POPCEN 2015 ket naggapu iti Republic Act (RA) 10625 ken Executive Order (EO) No. 352.

Naaprobahan idi Septiembre 12, 2013 ti RA 10625, a maawagan iti *Philippine Statistical Act of 2013*, ken kunana a ti PSA ti responsable kadagiti isuamin nga panag sensus ken panag survey ti sang kailian, sektoral nga estadistika, pinang tipon-tipon kadagiti administratibo nga sistema ti panagirekord ken pinangommong iti national accounts. Babaen iti daytoy nga linteg, kangrunaan iti seksion 6(b) mandaran na ti PSA a mangisagana ken mangaramid ti regular a sensus ti populasyon, balbalay, agrikultura, panagkalap, negosio, industria ken dadduma pay a sektor ti ekonomia.

EO No. 352, Designation of Statistical Activities That Will Generate Critical Data for Decision-Making of the Government and the Private Sector, ibaga na nga maaramid ti mid-decade

sensus nangnangruna tapno mapabaro ti bilang ti populasyon ti amin a barangay ti pagilian.

Ania ti usar dagiti estadistika a maadaw iti POPCEN 2015?

Ti usar dagiti datos ti POPCEN saklawen na ti amin a sektor. Dagiti importante nga pakausaran dagiti datos a maadaw iti daytoy a sensus ket dagitoy sumaganad:

Iti gobyerno:

- panakabingay ti distrito ken panakadutok ti representante idia kongreso;
- panakabingay iti kinabaknang ken birok ti pagilian;
- panakabuangay/panakabaliw ti grupo pang-pulitika ken pang-administratibo;
- panakaaramid ti pagalagadan maipanggep kadagiti nadumaduma a paset ti populasyon (ubbing, agtutubo, nataengan, babbai, agbutbutos ken agrab-trabaho); ken
- panakaaramid ti pagalagadan ken programa maipanggep ti panakaited ti kangrunaan a serbisyo, kasla kuma ti para ti salun-at, edukasyon, trabaho, pabalay, inpras-traktura, ayuda ti pannaakadidigra, ken dadduma pay nga pakaseknan para sosial ken ekonomia.

Iti negosyo ken industriya:

- pangilasinan kadagiti lugar a pagpatakderan ti negosio;
- tapno maammuan dagiti produkto ken serbisio a kasapulan ti tattao; ken
- panakapasayaat ti supply ti trabahador para iti panangpaado ti produkto ken serbisio.

Iti research ken pagadalan:

- panagaramid iti panangadal maipanggep ti populasyon ken kapada na a disiplina; ken
- panangadal ti panagdakkel ti populasyon ken geographic distribution a pangibasaran ti population projections para nasional ken sub-nasional.

Kaano ti sensus?

Ti panaglista ken panagkolekta ti datos para iti POPCEN 2015 ket agbayag iti 25 nga aldaw (mairaman ti Sabado ken mabalin pati Domingo ken holidays), manipud Agosto 10 inggana Septiembre 6, 2015.

Sino ti agsungbat iti datoy nga sensus?

Adla tallo (3) nga klase ti questionnaire nga mausar: ti Household Questionnaire (CP Form 2), ti Institutional Population Questionnaire (CP Form 4), ken ti Barangay Schedule (CP Form 5).

Ti agsungbat ti CP Form 2 ket ti mangidadaulo ti sangakabbalayan wenno ti asawana, wenno sinnoman nga responsable nga miyembro ti sangakabbalayan nga makaited iti umno nga sungbat kadagiti saludsod wenno sinnoman nga makaited iti husto nga impormasyon maipanggep iti sangakabbalayan ken dagiti amin nga miyembro na. Para met iti CP Form 4, ti agsungbat ket ti manager, administrador wenno dagiti amin a miyembro ti institution wenno iti institutional living quarter. Ti Kapitan ti Barangay wenno sinnoman nga agdama nga opisial ti barangay, isu met ti agsungbat iti CP Form 5.

Obligado kadi nga ited ti umno ken kumpleto a sungbat iti daytoy nga sensus?

Wen. Seksion 27 ti RA 10625 kunana a dagiti agsungbat kadagiti pinagkolekta ti datos iti sensos ken *sample surveys* ket obligado a mangted iti umno ken kumpleto a sungbat kadagiti saludsod pang-estadistika. Ti panagkolekta, panagproseso, ken panaganalisar kadagitoy nga datos ket maaramid met laeng babaen ti napudno ken mapagtalkan nga sistema.

Sinnoman nga saan nga agsungbat ken mangted ti umno ken kumpleto nga sungbat kadagiti saludsod ket mabalud iti maysa (1) a tawen ken agmulta iti one hundred thousand pesos (P100,000.00).

Ania ti garantia ti publiko nga dagiti ited da nga impormasyon iti census enumerator ket saan nga mausar ti sabali nga banag?

Amin nga empleyado a karaman ti POPCEN 2015 ket masapol nga agtungpal ti **STRICT CONFIDENCE** ti amin nga impormasyon nga makalap intono sensus panggep ti sinnoman a sangakabbalayan wenno tao.

Seksion 26 ti R.A. No. 10625 ipalawag na a dagiti datos nga ited ti agsungbat kadagiti saludsod ti survey ken sensus ti PSA ket maibilang a privileged information ken saan a maawat nga ebidensia iti aniaman nga proceeding. Ti PSA ket agiruar ti datos nga aggapo kadagiti sensus babaen ti summaries wenno

statistical tables, nga awan ti pakailasinan ti siasinnoman a tao, korporasion, asosasion, partnership, institusion wenno negosio.

Kasta met, ti Section 27 ti RA No. 10625 ibagbagana nga siasinnoman agraman dagiti adda iti uneg ti PSA Board ken ti PSA, a mangsalungasing iti confidentiality of information, maigapo man iti kinamanagbaybay-a, madi nga aramid, naigagara ken malisyoso nga aramid ken panagusar ti confidential nga impormasyon tapno agganansia ket agmulta iti five thousand pesos (P5,000.00) inggana ti saan a nasursurok ngem ten thousand pesos (P10,000.00) ken/wenno maibalud iti tallo a bulan ngem saan a lumabes ti makatawen, depende iti kadagsen ti inaramidna a panagsalungasing.

Ania dagiti datos wenno impormasion a maadaw/maala iti POPCEN 2015?

Dagitoy sumaganad nga impormasyon ket madamag kadagiti uppat nga kangrunaan nga *census instrument* wenno census forms nga mausar intono sensus:


CP Form 1 - Listing Booklet
Basic data items
<ul style="list-style-type: none"> Name of the household head/Name or type of institution Address of the household/institution Number of household/institutional members by sex
CP Form 2 - Household Questionnaire
Demographic and socio-economic characteristics
Death among members of the household
Selected housing characteristics
CP Form 4 - Institutional Population Questionnaire
Demographic and socio-economic characteristics
CP Form 5 - Barangay Schedule
Barangay characteristics

Sinno ti agakem nga sensus enumerators ken supervisors?

Ti PSA ket agempleo kadagiti enumerators (ENs), team supervisors (TSs), ken census area supervisors (CASs) intono sensus. Ti CAS ket ag-supervise ti grupo ti TSs ken ENs.

Kada maysa nga EN ket madutukan nga ag- interview kada balay. Tungal maysa nga TS ket ag-supervise ti grupo ti ENs.

Dagiti dadduma pay nga regular nga empleyado ti PSA central office ken field offices ket agakem met a supervisors intono sensus.



Para ti dadduma pay nga saludsud, mabalin kay nga sumurat wenno tumawag ditoy:

Philippine Statistics Authority
 Information Technology and Dissemination Services
 CVEA Building, East Avenue, Quezon City
 ☎: (632) 462-6600

wenno kadagiti dadduma pay nga asideg nga PSA Office.

<http://www.psa.gov.ph>



REPUBLIC OF THE PHILIPPINES
 PHILIPPINE STATISTICS AUTHORITY

**2015 CENSUS
 of POPULATION**



Magpabilang. Magpa-Census!

(Ilocano)

